НАМАНГАН ТУМАНЛАРАРО ИКТИСОДИЙ СУДИНИНГ А Ж Р И М И

(даъво аризасини кўрмасдан қолдириш тўгрисида)

Наманган шахри

2024 йил 15 август

судья: Х.Умаров

Наманган туманлараро иктисодий судининг судьяси Х.Умаровнинг раислигида, судья ёрдамчиси А.Асқаровнинг котиблигида, Наманган вилоят фермер, деҳқон хўжаликлари ва томорқа ер эгалари кенгашининг даъвогар "Sebcha buloq durdonasi" фермер хўжалиги манфаатида жавобгар "Наманган пахта текс" масъулияти чекланган жамияти ҳисобилдан 15 866 773 сўм ундириш тўғрисидаги даъво аризаси бўйича юритилган ишни жавобгар вакили М.Саттаров (ишончнома асосида)нинг иштирокида суднинг биносида очик суд мажлисида кўриб чикиб, қуйидагиларни

аниклади:

Наманган вилоят фермер, деҳқон хўжаликлари ва томорқа ер эгалари кенгаши даъвогар "Sebcha buloq durdonasi" фермер хўжалиги манфаатида иқтисодий судга даъво аризаси билан мурожаат қилиб, жавобгар "Наманган пахта текс" масъулияти чекланган жамияти ҳисобидан 15 866 773 сўм ундиришни сўраган.

Суд мажлисида иштирок этган жавобгар вакили судга ариза такдим этиб, тарафлар ўртасида 2024 йил 5 август куни тузилган медиатив келишувни тасдиклаб беришни сўради.

Суд мажлисининг вақти ва жойи тўғрисида тегишли тарзда хабардор қилинган Наманган вилоят фермер, деҳқон ҳўжаликлари ва томорқа ер эгалари кенгаши ва даъвогардан суд мажлисида вакил иштирок этмади.

Бундай холатда суд Ўзбекистон Республикаси Иктисодий процессуал кодекси (бундан буён матнда ИПК деб юритилади)нинг 170-моддасига асосан ишни Наманган вилоят фермер, деҳқон хўжаликлари ва томорқа ер эгалари кенгаши ва даъвогар иштирокисиз кўриш мумкин деб ҳисоблайди.

ИПКнинг 131-моддаси талабига кўра тарафлар низони келишув битимини ёки медиатив келишувни тузиб ҳал этиши мумкин.

Келишув битими ёки медиатив келишув даъво тартибидаги ҳар қандай иш бўйича тузилиши мумкин.

Ўзаро 2024 йил 5 августда тузилган медиатив келишувда тарафлар ўртасидаги низо медиатив келишув асосида ҳал этилиши белгиланган.

ИПК 107-моддаси биринчи қисмининг 5^3 -бандига мувофиқ тарафлар ўртасида медиатив келишув тузилган бўлса суд даъво аризасини кўрмасдан қолдиради.

"Давлат божи тўғрисида"ги Ўзбекистон Республикаси Қонуни 18-моддаси биринчи қисмининг 9-бандига мувофиқ агар тарафлар ўртасида медиатив келишув тузилган бўлса, ариза кўрмасдан қолдирилганда, давлат божи қайтарилиши кераклиги белгиланган.

Қайд этилганларга асосланган ҳолда суд даъво аризасини кўрмасдан қолдириб, судга даъво тақдим этилишида олдиндан давлат божи тўланмаганлиги сабабли иш бўйича тарафлардан давлат божи ундирмасликни лозим топади.

Бинобарин ИПКнинг 107, 170, 195-196-моддаларини қўллаб, суд

ажрим килади:

Наманган туманлараро иқтисодий судининг иш юритувида бўлган 4-1604-2401/3374-сонли иқтисодий иш бўйича тарафлар ўртасида 2024 йил 5 август

куни медиатив келишув тузилганлиги муносабати билан даъво аризаси кўрмасдан қолдирилсин.

Ажримдан норози тараф бир ой муддат ичида апелляция шикояти (протест) келтириши мумкин.

Раислик этувчи, судья

Х.Умаров

